

# 卷四

書名 重選唐音大成十四卷附錄一卷 嘉靖五年  
 刊本  
 撰者 明 邵天和 輯  
 卷 卷四  
 內容分類 集-總集-各代-唐  
 索書號 集部-總集-51  
 編號 D7841400

彩色首頁1

東洋文化研究所漢籍目錄 編號: D7841400

東洋文化研究所漢籍目錄所藏漢籍善本文影像資料庫 索書號: 集部-總集-51

漢籍善本文影像資料庫文本重選唐音大成十四卷附錄一卷 嘉靖五年刊本

版權所有: 東京大學 東洋文化研究所

使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
 牙璋辭鳳闕鐵騎繞龍城  
 暗凋旗畫風多雜  
 鼓聲寧為百夫長  
 勝作一書生

劉生

本六郡年長入三秦  
 白壁酌知已黃金謝主人  
 生赤電馬足起紅塵  
 日莫歌鍾發喧動四隣

紫騮馬

東方文化學院東京研究所  
No. 2046 三



0 1 2 3 4 5 6 7 8 9 20 1 2 3 4 5 6 7 8 9 3





重選唐音大成卷之四

宜興邵天和節夫編校

正音三

五言律詩

暉上人獨坐亭

陳伯玉

鐘梵經行處香牀坐入禪巖亭交雜樹石瀨瀉鳴泉  
水月心方寂雲霞思獨玄寧知人代裏疲病得攀緣

春日登九華觀

白玉仙臺古丹丘別望遙山川亂雲日樓榭入烟霄  
鶴舞千年樹虹飛百尺橋還逢赤松子天路坐相邀

晚次樂鄉縣

故鄉杳無際日暮且孤征川原迷一作舊國道路入  
邊城野戍荒烟斷深山古木平如何此時恨噉噉夜  
猿鳴

春夜別友人

銀燭吐青烟金樽對綺筵離堂思琴瑟別路繞山川  
明月隱高樹長河沒曉天悠悠洛陽去重一作會在  
何年

度荆門望楚

遙遙去巫峽望望下亭臺巴國山川盡荆門烟霧開

城分蒼野外樹斷白雲隈今日狂歌客誰知入楚來

和韋承慶過義陽公主山池杜必簡

逕轉孤峯逼橋危缺岸妨玉泉移酒味石髓換粳香  
綰霧青絲弱牽風紫蔓長猶言宴樂少別向後池塘

送崔融

君王行出將書記遠從征祖帳連河關軍麾動洛城  
旌旗朝朔氣笳吹夜邊聲坐覺烟塵掃秋風古北平

早春遊望

獨有宦遊人偏驚物候新雲霞段出海曙梅柳度江春  
淑氣催黃鳥晴光轉綠蘋忽聞歌古調歸思欲沾巾

遊少林寺

沈雲卿

長歌遊寶地，徙倚對珠林。  
鴈塔風霜古，龍池歲月深。  
紺園澄夕霽，碧殿下秋陰。  
歸路烟霞晚，山蟬處處吟。

早發平昌島

解纜春風後，鳴榔曉漲前。  
陽鳥出海樹，雲鴈下江烟。  
積氣衝長島，浮光益大川。  
不能懷魏闕，心賞獨冷然。

夜宿七盤嶺

獨游千里外，高卧七盤西。  
山月臨窻近，天河入戶低。  
方春平仲綠，清夜子規啼。  
浮客空留聽，褒城聞曙雞。

被試出塞

十年通大漠，萬里出長平。  
寒日生戈劍，陰雲拂旆旌。  
飢烏啼舊壘，疲馬戀空城。  
辛苦臯蘭北，胡塵損漢兵。

從岐王過楊氏別業

王摩詰

楊子談經處，淮王載酒過。  
興闌啼鳥緩，坐久落花多。  
徑轉迴銀燭，林開散玉珂。  
巖城時未啓，前路擁笙歌。

同崔員外秋宵寓直

建禮高秋夜，承明候曉過。  
九門寒漏徹，萬井曙鐘多。  
月迥藏珠斗，雲消出絳河。  
更慚衰朽質，南陌共鳴珂。

早朝

柳暗百花明，春深五鳳城。  
城鴉睥睨曉，宮井轆轤聲。

方朔金門侍班姬玉輦迎仍聞遣方士東海訪蓬瀛  
晚春嚴少尹諸公見過

松菊荒三徑圖書共五車烹葵邀上客看竹到貧家  
雀乳先春草鶯啼過落花自憐黃髮暮一倍惜年華  
送東川李使君

萬壑樹參天千山響杜鵑山中一夜雨樹杪百重泉  
漢女輸寶布巴人訟芋田文翁翻教授不敢倚先賢

送楊長使赴果州

褒斜不容幔子去何之鳥道一千里猿聲十二時  
官橋祭酒客山木女郎祠別後同明月君應聽子規

送友人南歸

萬里春應盡三江鴈亦稀連天漢水廣孤客郢城歸  
郎國稻苗秀楚人菰米肥懸知倚門望遙識老萊衣  
送丘為下第歸江東

憐君不得意况復柳條春為客黃金盡還家白髮新  
五湖三畝宅萬里一歸人知爾不能薦羞稱獻納臣

終南別業

中歲頗好道晚家南山陲興來每獨往勝事空自知  
行到水窮處坐看雲起時偶然值林叟談笑滯還期

漢江臨泛

楚塞三湘接荆門九派通江流天地外山色有無中  
郡邑浮前浦波瀾動遠空襄陽好風日留醉與山翁

送李判官赴江東

聞道皇華使方隨皂蓋臣封章通左語冠冕化文身  
樹色分楊子潮聲滿富春遙知辨壁吏恩到泣珠人  
送嚴秀才還蜀

寧親為令子似舅即賢甥別路經花縣還鄉入錦城  
山臨青塞斷江向白雲平獻賦何時至明君憶長卿  
送平淡然判官

不識陽關路新從定遠侯黃雲斷春色畫角起邊愁

瀚海經年別一作到交河出塞流須令外國使知飲月  
支頭

山居即事

寂寞掩柴扉蒼茫對夕暉鶴巢松樹遍人訪葦門稀  
嫩竹含新粉紅蓮落故衣渡頭燈火起處處采菱歸  
冬夜書懷

獨坐悲雙鬢空堂欲二更雨中山果落燈下草蟲鳴  
白髮終難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕



忽過新豐市還歸細柳營回看射鵰處千里暮雲平

南州有贈二首

賈幼隣

極浦三春草高樓萬里心楚山晴靄碧湘水暮流深  
忽與朝中舊同為澤畔吟停杯試北望還欲淚霑襟  
其二

越井人南去湘川水北流江邊數杯酒海內一孤舟  
嶺嶠同仙客京華即舊遊春心將別恨萬里共悠悠

宿雲門寺閣

孫逖

香閣東山下烟花象外幽懸燈千嶂夕卷幔五湖秋  
畫壁餘鴻鴈紗窗宿斗牛更疑天路近夢與白雲遊

題韓少府水亭

祖詠

梅福幽棲處佳期不忘還鳥啼當戶竹花繞傍池山  
水氣侵階冷藤陰覆坐間寧知武陵趣宛在市朝間

蘇氏別業

別業居幽處到來生隱心南山當戶牖豐水映園林  
竹覆經冬雪庭昏未夕陰寥寥入境外閑坐聽春禽

江南旅情

楚山不可極歸路但蕭條海色晴看雨江聲夜聽潮  
劍留南斗近書寄北風遙為報空潭橋無媒寄洛橋  
漢陽即事

儲光羲

楚國千里遠孰知方寸違春遊歡有客夕寢賦無衣  
江水帶冰綠桃花隨雨飛九歌有深意捐珮乃言歸

與諸子登峴山

孟浩然

八事有代謝往來成古今江山留勝跡我輩復登臨  
水落魚梁淺天寒夢澤深羊公碑尚在讀罷一

亦作淚

露襟

臨洞庭

八月湖水平涵虛混太清氣蒸雲夢澤波撼岳陽城  
欲濟無舟楫端居恥聖明坐觀垂釣者徒有羨魚情

歸終南山

北闕休上書南山歸弊廬不才明主弃多病故人疎  
白髮催年老青陽逼歲除永懷愁不寐松月夜窻虛

宿梧廬江

山暝聽猿愁滄江急夜流風鳴兩岸葉月照一孤舟  
建德非吾土維揚憶舊遊還將兩行淚遙寄海西頭

武陵泛舟

武陵川路狹前棹入花林莫測幽源裏

一作仙家信

幾深水迴青嶂合雲度綠溪陰坐聽閑猿嘯彌清塵  
外心

赴京途中遇雪

迢遞秦京道蒼茫歲暮天窮陰連晦朔積雪徧山川  
落鴈迷寒渚飢鳥噪野田客愁空竚立不見有人烟

歲除有懷

迢遞三巴路羈危萬里身亂山殘雪夜孤燭異鄉人  
漸與骨肉遠轉於僮僕親那堪正漂泊來日歲華新

裴司士見尋

府僚能任駕家釀復新開落日池上酌清風松下來  
厨人具雞黍稚子摘楊梅誰道山翁醉猶能騎馬回

梅道士水亭

傲吏非凡吏名流即道流隱居不可見高論莫能酬

水接仙源近山藏鬼谷幽再來迷一作處所花下問  
漁舟

過故人莊

故人具雞黍邀我至田家綠樹村邊合青山郭外斜  
開筵一作軒面場圃把酒話桑麻待到重陽日還來就

菊花

送劉評事充朔方判官賦得征馬嘶 高達夫

征馬向邊州蕭蕭嘶未休思深應帶別聲斷為蕭秋  
岐路風將遠關山月共愁贈君從此去何日大刀頭  
灑水東店送唐子歸嵩陽 岑參

野店臨官路重城壓御堤山開灞水北雨過杜陵西  
歸夢秋能作鄉書醉懶題橋回忽不見征馬向聞嘶

送張子尉南海

不擇南州尉高堂有老親樓臺重疊氣邑里雜鮫人  
海暗三山雨花明五嶺春此鄉多寶玉慎莫厭清貧

送張都尉東歸

白羽綠弓弦年年只在邊還家劍鋒盡出塞馬蹄穿  
逐虜西踰海平湖北到天封侯應不遠燕領豈徒然

送王七錄事赴虢州

早歲即相知嗟君最後時青雲仍未達白髮欲成絲

小店關門道長河華嶽祠弘農民吏待莫遣馬行遲

送懷州吳別駕

灞上柳枝黃壚頭酒正香春流飲去馬暮雨濕行裝  
驛路通函谷州城接太行覃懷人總喜別駕得王祥

趙少尹南亭送鄭侍御

江亭酒甕香白面繡衣郎砌冷蟲喧坐簾疎月到床  
鐘催離思急絃逐醉歌長關樹應比日落隨君滿路霜

虢宮送河丞市馬

關樹晚蒼蒼長安近夕陽回風醒別酒細雨濕行裝  
習戰邊塵黑防秋塞草黃知君市駿馬不是學燕王

高宮谷招鄭鄠

谷口來相訪空齋不見君  
澗花然暮雨潭樹暖春雲  
門徑稀人跡蒼峰下鹿群  
衣裳與枕席山靄碧氛氲

晚發五谿

客厭巴南地鄉隣劍北天  
江村片雨外野寺夕陽邊  
芋葉藏山徑蘆花間渚田  
舟行未可住乘月且須牽

武威春莫聞宇文判官西使還已到晉昌

片雨過城頭黃鸝上戍樓  
塞花飄客淚邊柳掛鄉愁  
白髮悲明鏡青春換敝裘  
君從萬里去聞已到瓜州

友人山亭

殷遙

故人從薄宦往往涉清谿  
鑿牖對山月褰裳拂澗霓  
遊魚逆水上宿鳥向風栖  
一見桃花發能令秦漢迷

江南意

王灣

客路青山外行舟綠水前  
潮平兩岸闊風正一帆懸  
海日生殘夜江春入舊年  
鄉書何處達歸鴈洛陽邊

題破山寺

常建

清晨入古寺初日照高林  
竹<sub>一作</sub>徑通幽處禪房花  
木深山光悅鳥性潭影空  
人心萬籟此俱寂惟聞鐘

磬音

途中送權曙二兄

皇甫茂政

淮海風濤起江關幽思長同悲鵲繞樹獨作鴈隨陽  
山晚雲和雪汀寒月映霜由來濯纓處漁父愛滄浪

送李中丞歸本道

皇甫孝常

上將宜分閫雙旌復出秦關河三晉路實從實一作五  
原人孤戍雲通海平沙雪度春酬恩看玉劔何處有  
烟塵

晚至華陰

臘盡促歸心行人及華陰雲霞仙掌出松柏古祠深  
野渡冰生岸寒川燒隔林溫泉看漸近宮樹晚沉沉

酬劉負外見寄

嚴正文

蘇耽佐郡時近出白雲司藥補清羸候窓吟絕妙辭  
柳塘春水慢花塢夕陽遲欲識懷君意朝亦作朝訪  
楫師

仲夏江陰官舍寄裴明府

李從一

萬室邊江次孤城對海安朝霞晴作雨濕氣晚生寒  
苔色侵衣桁潮痕上井欄題詩招茂宰思爾欲辭官

送王牧往吉州謁使君叔

細草綠汀洲王孫耐薄遊年華初冠帶文采舊弓裘  
野渡花爭發春塘水亂流使君憐小阮應念倚門愁  
至七里灘作

遷客投干越臨江淚滿衣獨隨流水遠一作轉覺故  
人稀萬木迎秋序千峰駐晚暉行舟猶未已惆悵暮  
潮歸

送李中丞

劉文房

流落征南將曾驅十萬師罷歸無舊業老去戀明時  
獨立三邊靜輕生一劔知茫茫漢江上日暮欲何之  
雨中過袁稷巴陵山居

憐君洞庭上白髮向人垂積雨悲幽獨長江對別離  
牛羊歸故道鳥雀聚寒枝明發遙相望雲山不可知  
喜皇甫侍御相訪

荒村帶晚照落葉亂紛紛古路無行客空山獨見君  
野橋經雨斷澗水向田分不為憐同病何人到白雲

穆陵關北逢人歸漁陽

逢君穆陵路疋馬向桑乾楚國蒼山古幽州白日寒  
城池百戰後耆舊幾家殘處處蓬蒿徧歸人掩淚看  
尋南溪常道士

一路經行處莓苔見履痕白雲依靜渚芳一作草閉  
閑門過雨看松色隨山到水源谿花與禪意相對亦  
忘言

松江獨宿

洞庭初下葉孤客不勝愁明月天涯夜青山江上秋  
一官成白首萬里寄滄洲久被浮名繫引無愧海鷗  
餘干旅舍

搖落暮天迴青楓霜葉稀孤城向水閉獨鳥背人飛  
渡口月初上隣家漁未歸鄉心正欲絕何處擣寒衣

漂母墓

昔賢懷一飯茲事已千秋古墓樵人識前朝楚水流  
渚蘋行客薦山木杜鵑愁春草茫茫綠王孫舊此遊  
奉送從兄宰晉陵

韋應物

東郊暮草歇千里夏雲生立馬愁將夕看山獨送行

依微吳苑樹迢遞晉陵城慰此斷行別邑人多頌聲

賦得暮雨送李胄

楚江微雨裏建業暮鐘時漠漠帆來重冥冥鳥去遲  
海門深不見浦樹遠含滋相送情無限沾襟比散絲

早朝

耿滂

鐘鼓餘聲裏千官向紫微冒寒人語少乘月燭來稀  
清漏聞馳道輕霞暎瑣闌猶看嘶馬處未啓掖垣扉

題薦福寺衡嶽禪師房

韓君平

春城乞食還高論山中閑僧臘階前樹禪心江上山  
踈簾看雪卷深戶映花關晚送門人去鐘聲杳靄間



同梁鎰文宴

錢仲文

客到衡門下杯香蕙草時好風能自至明月不須期  
秋水翻荷影清霜脆柳枝微宮是何物許可廢言詩  
喜外弟盧綸見宿

司空文明

靜夜四無隣荒居舊業貧雨中黃葉樹燈下白頭人  
以我獨沉久愧君相見頻平生自有分况是霍家親  
雲陽館與韓紳宿別

故人江海別幾度隔山川乍見翻疑夢相悲各問年  
孤燈寒照雨深竹暗浮烟更有明朝恨離杯惜共傳  
經廢寶慶寺

黃葉前朝寺無僧寒殿開池晴龜出曝松暝鶴飛回  
古砌悲橫草陰廊畫雜苔禪宮亦銷歇塵世轉堪哀

送彭李一作將軍

郎君胄

雙旌漢飛將萬里獨橫戈春色臨關盡黃雲出塞多  
鼓鼙悲絕漠烽戍隔長河想到陰山路一作天驕已  
請和

送張南史

雨餘深巷靜獨酌送殘春車馬雖嫌僻鶯花不棄貧  
虫聲粘戶網鼠跡印床塵借問山陽會如今有幾人  
茂陵山行陪金部

李端

宿雨朝來歇空山天氣一作清盤雲雙鶴下隔水一  
蟬鳴古道黃花落平蕪赤燒生茂陵雖有病猶得伴  
君行

春日早朝應制

竇遺直

紫殿俯千官春松應合懽御爐香燄暖馳道玉聲寒  
乳燕翻珠綴祥鳥集露盤宮花一萬樹不敢舉頭看

除夜宿石頭驛

戴幼公

旅館誰相問寒燈獨可親一年將盡夜萬里未歸人  
寥落悲前事支離笑此身愁顏與衰鬢明日又逢春  
別友人

擾擾倦行役相逢陳蔡間如何百年內不見一人閑  
對酒惜餘景問程愁亂山秋風萬里道又出穆陵關

聞笛

戊昱

入夜思歸切笛聲清更哀愁人不願聽自到枕邊來  
風起塞雲斷夜深關月開平明獨惆悵落盡一庭梅

邊上送故人

王仲初

百戰一身在相逢白髮生何時得家信每日算歸程  
走馬登寒隴驅羊入廢城羌歌三兩曲人醉海西營  
汴路即事

千里河烟直青風夾岸長天涯同此路人語各殊方

草市迎江貨津橋稅海商迴看故宮柳憔悴不成行  
醉後憶山中人

花開草復秋雲水自悠悠因醉暫無事在生難免愁  
遇晴須看月聞健且登樓暗想山中伴如今盡白頭

南中

天南多鳥聲州縣半蕪城野市依蠻姓山村逐水名  
瘴烟沙上起陰火雨中生獨有求珠客年年入海行

望行人

張文昌

秋風窻下起旅鴈向南飛日日出門望家家行客歸  
無因見邊使空待寄寒衣獨倚青樓暮烟深鳥雀稀

宿江店

野店臨江浦門前有橘花停燈待賈客青酒與漁家  
夜靜江水白路迴山月斜閑尋泊船處潮落見平沙

夜到漁家

漁家在江口潮水入柴扉行客欲投宿主人猶未歸  
竹深村路遠月出釣船稀遙見尋沙岸春風動草衣

送仁弟戴玄往蘇州

場柳閭門路悠悠水岸斜乘舟向山寺看履到漁家  
夜月紅柑樹秋風白藕花江天詩景好迴日莫令賒

五言排律附

酬蘇員外味玄夏晚寓直省中見贈 沈雲卿  
並命登仙閣通宵直禮闈大官供宿膳侍吏護朝衣  
卷幔天河入開窓月露微小池殘暑退高樹早涼歸  
冠劍無時釋軒車待漏飛明朝題漢柱三署有光輝  
同韋舍人早朝

閭闔連雲起巖廊拂霧開玉珂龍影度珠履鴈行來  
長樂宵鐘盡朝光曉奏催一經傳舊德五字擢英材  
儼若神仙去紛從霄漢回千春奉休歷分禁喜趨陪

早度蒲關

玄宗

鐘鼓嚴更曙山河野望通鳴鑿下蒲坂飛旆入秦中

地嶮關逾壯天平鎮尚雄春來津樹合月落戍樓空  
馬色分朝景雞聲逐曉風所希常道泰非復俟繻同

遊感化寺

王摩詰

翡翠香烟合瑠璃寶殿平龍宮連棟宇虎穴傍簷楹  
谷靜惟松響山深無鳥聲瓊峰當戶析金澗透林鳴  
郢路雲端迥秦川雨外晴鴈王銜果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋一作羹誓陪清梵末端坐學  
無生

奉和 聖製幸玉霄公主山莊因題石壁十

韻之作應制

碧落風烟外瑶臺道路賒如何連帝苑別自有仙家  
比一作地迴鸞駕緣溪轉翠華洞中開日月窓裡發  
雲霞殿庭養冲天鶴谿留上漢查種田生白玉泥竈化  
丹砂谷靜泉逾響山深日易斜御羹和石髓香飯進  
胡麻大道今無外長生詎有涯還瞻九霄上來往五  
雲車

奉和 聖製上巳於望春庭觀禊飲應制

長樂青門外宜春小苑東樓開萬戶上輦過百花中  
畫鷁移仙妓一作仗金貂列上公清歌邀落日妙舞向

春風渭水明秦甸黃山入漢宮君王來後禊灞澹亦  
朝宗

曉行巴峽

際曉投巴峽餘春憶帝京晴江一女泛朝日衆雞一作  
禽鳴水國舟中市山橋樹杪行登高萬井出眺迥二  
流明人作殊方語鴛為故舊一作國聲賴諳多山水  
趣稍解別離情

登總持寺塔

孟浩然

半空躋寶塔晴望盡京華竹繞渭川遍山連上苑斜  
四門開帝宅阡陌俯人家累劫從初地為童憶聚沙

坐覺諸天近空香送落花

宿香山寺石樓

李頎

夜宿翠微半高樓聞暗泉漁舟帶遠火山磬發孤烟  
衣拂雲松外門清河漢邊峯巒依枕席世界接人天  
藹藹花出霧輝輝星映川東林曙鶯滿惆悵欲言旋  
行營酬呂侍御時尚書問罪襄陽軍次漢東  
境上侍御以舟隣寇賊復有水火迫於征稅

詩以見喻

劉文房

不敢淮南卧來趨漢將營受辭瞻左鉞扶疾拜前旌  
井稅鶉衣樂壺漿鶴髮迎水歸餘斷岸峰至掩孤城

晚日當千騎秋風合五兵孔璋才素健早晚檄書成

自道林寺西入石路至麓山寺過法崇禪師

故居

山僧候谷口石路拂莓苔深入泉源去遙從樹杪回  
香隨青靄散鐘過白雲來野雪空齋掩山風古殿開  
桂寒知自發松老問誰栽惆悵湘江水何人更渡杯  
負譴後登千越亭作

天南愁望絕亭上柳條新落日獨歸鳥孤舟何處人  
生涯投嶺傲世業陷胡塵江入千峯暮花連百越春

一作香香鍾陵秦臺憐悲一作白首楚澤怨青蘋草色  
莫悠悠都水春

迷征路鶯聲傍逐臣獨醒翻引笑直道不容身得罪  
風霜苦全生天地仁青山數行淡滄海一窮鱗牢落  
機心盡空憐鷗鳥親

杜中丞書院新移小竹

王仲初

此地本無竹遠從山寺移經年求養法隔日記澆時  
嫩綠卷新葉殘黃依故枝色經寒不動聲與靜相宜  
愛護出常數稀稠當自知貧家緣未有客散獨行遲

新成甲仗樓

張文昌

謝氏起高樓西臨城上頭圖功百尺麗歲器五兵脩  
結構榱薨固虛明戶檻幽魚龍卷旗幟霜雪積戈矛

暑雨敲蒸隔涼風宴位留地高形遠出山靜氣清優  
睥睨斜光徹闌干宿靄浮芊芊旂稻色脉脉苑谿流  
郡化王丞相詩成沈隱侯居茲良得景殊勝峴山遊

重選唐音大成卷之四終

重選唐音大成卷之五

宜興邵天和節夫編校

正音四

七言律詩

奉和春日幸望春宮應制

蘇廷碩

東望望春春可憐更逢晴日柳含烟  
宮中下見南山盡城上平臨北斗懸  
細草偏承回輦處飛花故落舞觴前  
宸游對此懽無極鳥啣歌聲雜管絃

和賈舍人早朝大明宮

王摩詰

絳幘雞人送報一作曉籌尚衣方進翠雲裘九天閭闔